

MUAB TSO TAWM SAI LI SAI TAU
Hnub: 9 Hli Ntuj tim 2, 2020

Cuag tau: Shawn Benjamin
Hauj lwm: (414) 286-3780
Cell: (414) 316-8316
Email: sbenja@milwaukee.gov

**Commissioner Kowalik yuav rov qab mus rau Washington D.C. mus koom nrog ib lub Koom Haum Muaj Suab
Npe Xyuas Txog Kev Cai Rau Kev Noj Qab Haus Huv**

MILWAUKEE - Dr. Jeanette Kowalik yog tus Commissioner of Health rau lub Nroog Milwaukee txij lub 9 Hlis Ntuj 2018. Nws rov qab los rau hauv nws lub zos los pab City of Milwaukee Health Department (MHD) nyob rau lub sij hawm muaj teeb meem loj. Nyob rau lub sij hawm nws los tuav lub luag hauj lwm, nws muaj peev xwm los tswj kom lub [health department ruaj khov](#), rov qab txhim kho thiab tuam kev sib txuas lus nrog rau cov pej xeem, cov chaw ua hauj lwm saib xyuas kev noj qab haus huv hauv ib cheeb tsam no thiab hauv lub xeev, thiab coj lub nroog dhau tus kab mob COVID-19. Txij lub 3 Hlis Ntuj tim 13, lub zos thiab nroog Milwaukee tau ntsuam xyuas txog kev tsim ib co cai siv xaaj rau hauv zos kom daws tau kev sib kis mob. Mayor Tom Barrett kuj txhawb Dr. Kowalik cov kev xaaj [tshaj](#) kom tiv thaiv tsis txhob sib kis tau COVID-19 thiab cawm tau siav.

Tseem ceeb tshaj, “Milwaukee yog [thawj lub zos tau los tshaj tawm hais tias kev ntxub ntxaug yog ib qho teeb meem rau kev noj qab haus huv ntawm cov pej xeem \(public health crisis\)](#) nyob rau 2019. Cov cai nod ua kom peb paub los daws tus kab mob COVID-19. Nyob rau lub 3 Hlis Ntuj, peb pib [nthuav cov ntau ntawv](#) teev qhia txog tus kab mob COVID-19 uas raug rau tej pab pawg neeg. Peb pom hais tias yeej muaj [kev ntxub ntxaug nyob rau lub caij muaj kab mob sib kis](#), ua rau peb thiaj tau hloov peb cov tswv yim yuav txhim kho. Kev nthuav cov ntau ntawv teev txog tej yam tsis muaj kev pab sib npaug thaum ntxov pab peb ua tau ib tug qauv rau lwm lub zos kom lawv ua ib yam li peb; qhov nod ua tau kom yuav tsum ua hauj lwm nyob rau ntau them,” Commissioner Kowalik hais.

Txuas ntxiv ntawm cov kev xaaj thiab cov lus tshaj tawm, coob tus neeg ua hauj lwm saib xyuas kev noj qab haus huv, nrog rau Commissioner Kowalik, lees paub cov keeb kwm hais tias cov chaw ua hauj lwm saib xyuas kev noj qab haus huv nyob teb chaw no yeej tsis tau nyiaj txiag txaus thiaj muaj teeb meem ua rau kom peb tsis muaj rab peev xwm los tswj tej kab mob sib kis. Dr. Kowalik tau piav ntxaws ntxaws txog cov teeb meem no nyob rau ib tsab xov xwm hauv [national article rau lub 6 Hli Ntuj](#). Ntxiv mus, yuav tsum tau los xyuas txog nyiaj txiag siv rau kev noj qab haus huv thoob teb chaws dhau ntawm xyoo 2020 rau qhov yuav muaj teeb meem txog kev noj qab haus huv xws li tej kev mob yuav ntau zuj zus thiab yuav tau muaj cov tshuaj tiv thaiv kev mob nkeeg, muaj mob lead rau cov me nyuam yuas, thiab yuav tau muaj kev pab kom ruaj tshaj rau kev tiv thaiv rau kev tsim txom. “Kev ua kom txhua tus tau txais kev noj qab haus huv sib npaug thiab tiv thaiv txoj kev ntxub ntxaug yuav tsum yog muaj nyiaj txiag thiaj ua tau hauj lwm,” Commissioner Kowalik hais.

Xam txog lub luag hauj lwm tseem ceeb ntawm txoj cai nyob rau lub sij hawm muaj kab mob sib kis, Dr. Kowalik pom tau hais tias yuav tsum muaj ib txoj cai kom sai los txhawb kev noj qab haus huv rau cov pej xeeb thiab ntau pab pawg neeg hauv zej zog mus lawm yav tom ntej. Nws hais, “Kev tsim tsa txoj cai no thiab kev tawm suab yuav tsum tshwm sim ntawm tsoom fwv tuaj thiaj li ua tau hauj lwm.”

“Tsis paub yuav hais li cas lawm, kuv thiaj tau muab kuv daim ntawv tawm hauj lwm rau Mayor Tom Barrett es kuv yuav mus ua hauj lwm nrog lub koom haum Trust for America’s Health (TFAH), ib lub thawj koom haum thoob teb chaws saib xyuas txog cov cai rau kev noj qab haus huv. Txawm hais tais kuv hlub kuv lub zos npaum cas los, kuv ntseeg hais tias kuv yuav ua tsis tau ntau vim hais tias muaj ntau yam kuv yuav tswj tsis tau. Qhov nod twb pom tau nyob rau ntau theem hauv lub sij hawm peb daws kab tus mob sib kis no. Los ntawm qhov kom muaj chaw mus kuaj mob, txhawb kom muab ntaub npog qhov ncauj qhov ntswg, txo kev sib sau ua ke, kev xaaj, tshaj xo thiab tawm mus cuag cov neeg feem tsawg, thiab ntau hom kev hiam ua phem rau cov Neeg Ua Hauj Lwm Saib Xyuas Kev Noj Qab Haus Huv. Kuv tau txiav txim siab muab kuv lub zog thiab cov txuj ci los tho lwm txoj kev kom pab kho tau kev noj qab haus huv rau laab tus neeg As Mes Liv Kas. Kuv zoo siab heev uas tau mus koom nrog TFAH pab thawj coj ua lawv tus Thawj Tswj Director of Policy Development thiab rov qab mus rau Washington D.C. Cov hauj lwm kuv paub thiab tau ua nyob hauv zos raws li ua tus Health Officer yuav muaj nuj nqis rau kev tsim tsa cov cai nyob rau hauv TFAH. Kuv ntseeg siab hais tias [MHD pab thawj coj](#), uas muaj 5 tug Deputy Commissioners thiab tus Chief of Staff, muaj peev xwm heev thiab yuav tswj tau lub department mus lawm yav tom ntej thaum kuv tsis nyob ntawd lawm. Kuv yeej tseem yuav muab kev txhawb nyob rau lub sij hawm muaj kev hloov no thiab ntseeg tau hais tias cov hauj lwm uas ua tau 2 lub xyoos dhau los yuav ua rau kom muaj kev huam vam thiab loj hlob mus ntxiv thaum tus commissioner tshiab los tuav hauj lwm lawm. Kawg no, kuv thov ua tsaug rau lub sij hawm uas tau los pab kuv lub zos rau lub luag hauj lwm no.”

“Kuv thov ua tsaug rau Commissioner Kowalik txoj kev mob siab thiab ua thawj coj, tshwj xeeb lub sij hawm muaj kab mob sib kis no. Nws tso lub department tau rau ib qhov chaw zoo uas yuav muaj kev huam vam mus lawm yav tom ntej. Kuv thov kom nws ntsib qhov zoo thaum nws mus tuav nws txoj hauj lwm tshiab.” – Mayor Tom Barrett, City of Milwaukee.

“Nws yog ib lub sij hawm luv luv, Dr. Kowalik tau pab Milwaukee Health Department nce mus lawm ib theem thiab pab txhim kho kev noj qab haus huv rau coob tus pej xeeb hauv Milwaukee, txawm hais tias nyob rau lub sij hawm muaj kev mob nkeeg tshwm sim uas tsis tau pom dua. Nws teeb tau lub hom phiaj ruaj nreb tseg rau tus neeg yuav los ua tus Commissioner tom ntej no. Kuv cia siab hais tias tus neeg los hloov nws yuav muaj lub zeem muag li nws thiab, muaj kev txiav txim siab, mob siab rau txoj hauj lwm rau kev noj qab haus huv rau cov pej xeeb, thiab hlub Milwaukee ib yam li Dr. Kowalik.” - Caroline Gomez- Tom, City of Milwaukee Board of Health President.

[TFAH](#) yog ib lub koom haum tsis zwm rau leej twg uas saib xyuas txog cov cai ntawm kev noj qab haus huv rau pej xeem, tshawb fawb thiab tawm suab uas muaj lub zeem muag kom lub teb chaws saib kev noj qab haus huv thiab kev noj qab nyob zoo ntawm txhua tus neeg muaj nuj nqis thiab kom muaj kev tiv thaiv thiab kev kho mob ncj ncee rau txhua leej txhua tus yog lub hauv paus los tsim tsa cov cai nyob rau txhua them neeg.

Mayor Barrett thiab Commissioner Kowalik yuav hais lus nyob hauv xov xwm rau hnuv Thursday, 9 Hlis Ntuj tim 3 thaum 2pm (xws li kev tshaj lus ntawm Milwaukee County Unified Operations Center). Xav paub ntau ntxiv txog lub Nroog Milwaukee kev ua hauj lwm rau COVID-19, thov mus saib ntawm: www.milwaukee.gov/coronavirus

###